



—

Kgang e e ka ga Charlotte Maxeke.

Ka ngwaga wa 1901, e ne ya nna Mosadi wa ntlha  
wa MoAforika-Borwa go amogela tikirii ya  
yunibesiti.

Charlotte Maxeke e ne ele molwela tsa  
bodirediloago, moitseanape le moeteledipele wa  
tsa sedumedi.


Bukapuiso e e keteka tsa botshelo jwa gagwe.



Khanyisa le Nthuseng ba boela gae, go tswa kwa sekolong.


Letsatsi le a fisa, mme fa ba feta fa bookelong, ba akanya go ikhutsa mo moriting wa boemelabese kwa ntle mo go tsenwang teng.

Bookelo bo bo bidiwa *Charlotte Maxeke Johannesburg Academic Hospital*.



"Heela, a o a itse gore Charlotte Maxeke e ne e le mang, le  
gore ke goreng ba neetse bookelo jo leina la gagwe?"  
Khanyisa a botsa tsala ya gagwe.

Nthuseng a araba, "Le fa ke fetile makgetlho a le mantsi fa,  
ga ke ise ke akanye ka selo se go fitlha jaanong."



Moithuti o feta gaufi le basetsana fa ba ntse ba bua. O ithutela ka ga Saense ya tsa pholo kwa Yunibesithing ya Witwatersrand.

Nka lo bolelela gore Charlotte e ne e le mang!" Ga rialo Busisiwe, Moithuti.



"Charlotte Makgomo Manya o belegwe ka 1870," Busisiwe a simolola.

"Ijoo, bokana ka dingwaga di le 150 tse di fetileng!" ga bua Khanyisa.

Ee, go na le ditokomane tseo di farologaneng, mabapi le gore Charlotte o belegwe leng, kwa kae? Bangwe ba re o belegetswe kwa Eastern Cape, bangwe ba re kwa Limpopo," ga tswelela Busisiwe.




"Charlotte o tsene sekolo sa Boromiwa, ko a falotseng ka maemo a kwa godimo. O ne a na le bokgoni mo Dipuong le Dipalo. O ne a kwala ka isiXhosa, Dutch le Seesimane.

"Charlotte o weditse dithuto tsa marematlou, ka bonako gona le barutwana ba bangwe," Busi a emisa.

"Lesego Charlotte." Ga bua Nthuseng.

"Botlhale Charlotte." Ga bua Khanyisa.



"Charlotte o ne a le botlhale, gape a kgona go opela ka lentswe le le monate," ga bua Busisiwe.

"Morago ga phitlhelelo ya diteemane mo Aforika Borwa, balelapa la ga gaabo Charlotte ba fudugela kwa Kimberly, Kwa Kapa Bokone.

E ne e le morutabana gape a opela le *African Jubilee Choir*."




"Charlotte o ne a ya kwa England, le *African Jubilee Choir*. Ba ne ba opelela batho ba maemogodimo kwa London, mme ba tsaya loeto go ya Amerika.

Fa ba le kwa lefatsheng leo, Charlotte a amogela tlottolomatso ya go ithuta kwa Yunibesithing ya Wilberforce. E le Yunibesithi ya ntlha e tlhomilwe ke MaAforika le MaAmerika."




"Kwa Amerika, kereke ya gagwe ya mo rotloetsa. A nna mmadipolitiki. A tsenela dipuisano ka ga ditshwanelo tsa basadi. O ithutile le morutegi wa Pan- Africanist e bong W.E. Du Bois.

Kwa Yunibesithing ya Wilberforce, Charlotte o kopane le monna wa gagwe, Marshall Maxeke."



"Charlotte le Marshall ba boetse mo Aforika Borwa go dira jaaka Baromiwa. Ba ne ba batla go netefatsa gore, bana botlhe ba neelwa thuto ya maemogodimo.

Kereke e ne ya thusa baratani ba go simolola sekolo kwa Gauteng, go batho bantsho ba Aforika Borwa. Ba bitsa sekolo se Wilberforce Institute, ba teeletse ka Yunibesiti ya bona."



"Charlotte a ikaegile ka dikamano tsa selegae tsa basadi ba bantsho. A le mo mokgatlhong wa basadi ba mebala yotlhe.

O thusitse go rulaganya mogwanto kgatlhanong le melawana ya bokoloniale. O tsenetse megwanto ya badiri, kgatlhanong le tokafatso ya dituelo.

E ne e le moeteledipele wa kereke, morutabana, mokwadi, e le molweladitshwanelo. E ne e le sekgantshwane!"



Busisiwe a khutlisa, "Ke ithutile ka Charlotte Maxeke gonne ke tlile mo bookelong jo! Bo ne bo bidiwa Johannesburg Hospital, fela leina la fetolelwa go Charlotte Maxeke ka 2008."

"Charlotte Maxeke ke mosadi wa botlhokwa mo Hisetoring!" ga bua Khanyisa.

"Ba tshwanetse go re ruta ka ene kwa sekolong!" ga bua Nthuseng.



"Ke tshwanetse go ya phaposing jaanong, salang sentle," ga bua Busisiwe.

"Re lebogela go abelana ka kitso! Re tla nna re gopola Mme Charlotte, Dr Charlotte Maxeke," ga bua Khanyisa.

"Lo se ke lwa lebala, basadi ba bantsho ba na le maatla!" ga garela Busisiwe go basetsana.



## —Dipotso

1. Charlotte o belegetswe kwa kae?
2. O tsene sekolo kwa kae?
3. O opeletse setlhophha sefe?
4. O amogetse basari go ithuta ka ngwaga mang?
5. Charlotte o nyetswe ke mang?
6. Ke goreng Charlotte Maxeke a le botlhokwa mo hisetoring?



## —Dibuka tse di mo motseletseleng o

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala



---

Kgang e, e tlhamilwe le go kwalwa ka Setswana, e  
le karolo ya Zenex Ulwazi Lwethu ya dibukapuiso  
tsa porojeke ya 2020.